

Տ. ՄԵՊՈՒՆ ԵՊԻՄԿՈՊՈՍ ՉՈՒԼՋՅԱՆԻ ՔԱՐՈՋԸ ԽՈՍՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ ՄԱՏՈՒՅՎԱԾ ՈՒԽՏԻ Ս. ՊԱՏԱՐԱԳԻՆ

(18 մայիսի 2003 թ.)

Սիրելի հավաքացյալներ,

Այսօր ուխտի և Կոնստանդնուպոլսի օր է մեզ բոլորիս համար, հատկապես Գուգարաց թեմի հավաքացյալների, քանզի Մայր Տաճարի հիմնադրման 1700-ամյակին նվիրված ուխտագնացության շրջանակում Ն.Ս.Օ.Տ.Տ. Գաբեզին Բ Ամենայն Հայոց Հայրապետի օրհնությամբ գեղեցիկ ու պարեհ առիթ է ընձեռվել Լոռու և Տավուշի մարզերի հավաքացյալներին համախմբված աղոթք անելու և իրենց ուխտը վերանորոգելու Ս. Էջմիածնի 1700 տարիների աղոթաբույր կամարների ներքո:

Օրն առավել հիշարժան է ու պարմական, քանզի մեր ուխտագնացությունը նախախնամության կամքով զուգադիպեց «Երևման Ս. Խաչի» տոնին և հինգ նորընծաների օծման արարողությանը:

Ինչպես գիտեք, Հայ Առաքելական մեր Մայր Եկեղեցին տարվա մեջ ունի խաչի չորս տոներ՝ Երևման Ս. Խաչի, Խաչվերաց, Վարազա Ս. Խաչ և Գյուր խաչի:

Երևման Ս. Խաչի տոնը հիշատակումն է լուսեղեն այն հրաշքի, որ տեղի ունեցավ 391 թվականի մայիսի 7-ին Երուսաղեմ քաղաքում: Այդ օրը, ցերեկվա ժամերին, Գողգոթայից մինչև Ձիթենյաց լեռը երկնակամարի վրա ի տես ամենքի երևում է լուսապայծառ Ս. Խաչի նշանը: Ամբենելի այս հրաշքից երկյուղած, սակայն զոտեպնդված հավաքացյալներն ու հոգևորականները գոհություն ու փառք մատուցելու համար եկեղեցի են մտնում, աղոթում ու անդադար երկրպագություն կատարում, ապա հափուկ տոն հաստատում, որը մինչև մեր օրերը շարունակվում է տոնվել Հայ և Հույն Եկեղեցիներում:

Մեր Տեր Հիսուս Քրիստոս ոչ միայն քաղց մեր մեղքերը խաչի վրա հեղած իր սրբարար արյամբ, այլև սրբագործեց այն, և խաչը քրիստոնյա ժողովուրդների համար դադարեց մահվան գործիք լինելուց: Մուրբ խաչը հանդիսացավ միջոց փրկության, զեն հաղթության ու վաճառ ամրության՝ ընդդեմ ամենայն երևելի և աներևույթ թշնամյաց:

Ահա դարեր շարունակ այս գիտակցությամբ զինված ու խաչի զորությամբ հաղթանակած հայ ժողովուրդն իր արժանավայել տեղն է զբաղեցնում աշխարհում: Պայքարների ու մաքառումների բովում թրծված մեր ժողովուրդն այսօր էլ հավաքարիմ Ս. Խաչին՝ շարունակում է նույն ոգով իր արդար դատը պաշտպանել ու Մայր Հայրենիքի ապագան կերտել:

Տաճար, որ դիմակայել է բազմաթիվ արհամիիրքների, թիրախ է դարձել ամենի թշնամիների, հրդեհների, կողոպուտների ու ավերածությունների, խոնարհվել և դարձյալ երկինք է հառել ու հանդիսացել փրկության նավ ու փարոս կործանարար ալիքների մեջ փոթորկվող համայն հայ ժողովրդի համար:

Տաճար, որ լուռ համբերությամբ ու դառը կսկիծով դարեր շարունակ ականջալուր է եղել Հայոց Հայրապետների վշտերին ու տրեմանքին, վանական միաբանների հառաջանքներին,

հավաքացյալի արտասվալի աղոթքներին, ուխտավորի իղձերին, պանդուխտի հոգոցին, հիվանդի ցավերին, զինվորի աղաչանքին, մանկան ճիչին, անհեղի ծառի խնդրանքին:

Տաճար, որ 1700 տարի շարունակ աստվածային հրաշքով բուժել է ու մխիթարել, սիրել ու զգվել, սփոփել ու դարմանել, փրկել ու ապաստանել, հուսացել ու հուսադրել, կարեկցել ու օգնել, Կոնստանդնուպոլսի փրանջահար ու խաչված, բայց կրկին հարություն առած մի ողջ ժողովրդի՝ հայ ժողովրդի:

Միրելի լռեցի ու փափուշեցի ուխտավորներ,

Ս. Էջմիածնի խորհուրդը մեր հոգում ու մտքում վառ պահելու գիտակցությամբ, մեր նախնյաց ավանդությանը հավատարիմ, այսօր մենք ևս ուխտի ենք եկել՝ վերստին վերանորոգելու և վերափառավորելու համար մեր անցյալն ու ներկան: Մեր աղոթքն է, որ շարունակենք հավատարիմ մնալ Առաքելական մեր Մայր Եկեղեցուն, շարունակենք պահել մեր հոգևոր միասնությունը և տեղի չտալ անհավատության մոլուցքով կուրացած օտարածին ու այլադավան կրոնական ու քաղաքական շարժումներին:

Թող Բարձրյալն Աստված ընդունելի անի ամենքիս ուխտը այս հինավուրց ու ալեհեր, սակայն հավեր օրհնաբաշխ մեր Ս. Էջմիածնի կամարների ներքո:

Միրելի հավաքացյալ ժողովուրդ, այսօր երիտասարդ սպասավորների ձեռնադրության և օծման խնդրալից ու բերկրալի ևս մեկ տոնական առիթ էր մեզ ընձեռվել: Հայոց հայրապետն այս պատիվը նույնպես մեզ է վերապահել, որի համար խոնարհաբար որդիական մեր սերն ու երախտագիտությունն ենք հայտնում:

Այսօր ի տես ամենքի մեր Մայր Եկեղեցին կրկին իր վերընթացն է ապրում ի գլուխ ունենալով Հայոց Հայրապետը՝ աջակցությամբ մեր զինվորյալ միաբանության:

Եվ դուք, սիրելի նորընծաներ, առաքելավանդ ձեռնադրությամբ և Սրբալույս Մյուռոնով օծուն, Սուրբ Հոգու շնորհներով օծված ու գորացած կոչվեցիք ի սպասավորություն Հայաստանյայց Առաքելական Ս. Եկեղեցուն և հավաքացյալ հայ ժողովրդին:

«Հունձք բազումք են և մշակք սակաւ» ավետարանական պատգամով դուք այսօր եկաք լրացնելու Ս. Էջմիածնի միաբանության շարքերը: Վստահ ենք, որ պիտի լինեք մշակներ առանց ամոթի և ձեր անսպառ ծառայությամբ պիտի պանծացնեք մեր Ս. Եկեղեցին առաջնորդելով ձեզ վստահված հոգի, այն հունձքը, որ սպասում է իր մշակներին:

Մեր հայրական հորդորն է, որ ջիհներ արծաթասեր, այլ՝ աղքատասեր, ջիհներ պարվասեր, այլ՝ ծառայասեր, ջիհներ չարասեր, այլ՝ բարեսեր, Աստվածասեր ու Քրիստոսասեր, եկեղեցասեր ու ժողովրդասեր:

Միրելի նորընծաներ, մեր Տիրոջ՝ Հիսուս Քրիստոսի պարգամի համաձայն «Ինչպես որ Հայրը ինձ ուղարկեց, ես էլ ձեզ եմ ուղարկում: Գնացե՛ք, ուրեմն, աշակերտ դարձրե՛ք բոլոր ազգերին, նրանց մկրտեցե՛ք Հոր և Որդու և Սուրբ Հոգու անունով: Ուսուցանեցե՛ք նրանց պահել այն բոլորը, ինչ որ ձեզ պատվիրեցի» (Մատթ. ԻԸ 19-20):

Թող բարձրյալն Աստված հաճությամբ ընդունի Ձեր գոհաբերումն ու ընծայումը և օրհնի ձեր առաքելությունը ի փառս Աստծո, ի փառս Մայր Եկեղեցու և ի փառս հայ ժողովրդի:

«Հսկեցե՛ք, հաստատուն կացե՛ք ի հաւարս, ժրացարուք, գորացարուք, ամենայն ինչ ձեր՝ սիրով լիցի» (Ա Կորնթ. ԺԶ 13-14): Ամեն: